

大清光緒卅一年

本館新開禮拜外每日出論  
本館外埠均可函致本館取  
閱如外埠閱報加寄費不  
也除日本英德法各國裁  
惜工本從英德法各國裁  
紙各機器以待與各官紳  
體刊印各式花邊等國各  
西文排印工藝精有石版  
印字大小機器均用精工刊

第六千九百廿三號

# 叻報

本館在哥勞實得力門牌一百廿四號D

印工級絕倫並延有文士書  
寫各種文字現由上海購到  
刊佈所有各項其甚相宜再  
本館所登來札原擇其有益  
世道人心者附登否亦須無  
碍於人而後始錄其有謾罵  
成文以及支離費解者概不  
登錄嗣後諸君來札尚祈  
自諒更須寫真爵里而後敢  
將原稿收回也本館謹白

乙巳正月廿九日

Printed and Published by See Ewe Lay (大英一千九百零五年三月四號禮拜六) at No. 124-D, Cross Street, Singapore.

**願保令名** ○啟者本報在諸外埠向無代理之人故閱報者祇憑一紙魚書便將報源寄上  
所需報費亦由賜閱者應期郵來此蓋風雅之交故以真誠信重也不意麟鳳罕聚文齋既欠找壬寅年報  
費而通和埠華人公館久欠找癸卯年報費前已屢次郵函催討迄今未和同鴻行徑如斯令人間煩茲特  
將其大名登報以冀該兩處及其戚友見之早將該款郵來免失文字交情獲保令名於海外則善已特此  
佈聞 叻報主人拜手

**廣告文人** ○啟者本報玆欲聘請文士一人專主書寫石印一席其人必須精於會計及頗工書法者方能稱職  
好者方能勝任如有不嫌俯就者請到本館寫字樓面商可也此佈 本館謹啟

**延請書記告白** ○啟者本館刻欲延請書記一名其人必須精於會計及頗工書法者方能稱職  
如有欲承斯乏者請來本館面商可也此佈 本館謹啟

**交易聲明** ○啟者老巴剎口第七十六號門牌捷興號向 諸寶號購取貨物之單據必須蓋有  
本號平時所用正印及有翁德洗翁德衣兩人中一人書押在內方可為憑若有慢交概與本號無涉特此  
佈聞 光緒三十一年元月二十八日 捷興號謹啟

## 要電代論

**香港專電** ○本坡浮里不來西報接到念八日香港發來專電云是日忽有日本水雷船兩艘駛  
進芝罘港內所因何事尚未詳知云

**龜達火災專電** ○本坡實得力太晤士西報接到念七日北慕娘所屬龜達發來專電云念三夜  
半華人店戶失慎計歷一兩點鐘之久已被燬去二十三樣所焚貨物產業約值二十萬元其中購有保險  
者僅得八千五百元向幸此次火災并未將人焚斃云 按龜達被火前已據電譯登惟是在於何日及所  
燬物業共值若干均未道及今電始得其詳又查該埠店戶多以亞搭及木料築成故歷時不久而二十三  
樣即已付之一炬也

**德京專電** ○本坡實得力太晤士西報接到念七日德京發來專電云德京理藩大臣在某處延  
中告眾云印度支那自歸法轄即在該處經營開墾素稱得手斷斷不能任從此地讓與他人云 按印度  
支那即越南東京該大臣所謂他人殆指日本而言歟 同日德京專電云美京外部大臣曾告駐紮美京  
之海智公使云做國未嘗有意欲將海智及山多敏兩處劃入版圖之內云 同日德京專電云現在法  
國因為取法英國之故不復在西印度再增土地以便將在亞洲之土地再加整頓使其日益鞏固云

**俄事電音** ○本坡實得力太晤士西報接到念八日英京發來電音云昨念七日俄京諸工人公  
舉首事人二百名復由此二百人再舉代表議員會議政事一與西去月二十一號來電所言無殊此次在  
俄京中公舉首事二百名實為自昔至今所創見據諸首事人聲稱俄廷須將西去月二十一號以來所捕  
工人約三千名一同省釋及聽從各款條陳中有一條欲請國家自今以後不得無故殘害寄居俄國之外  
人及許各報言論自由由俄廷如不准行則彼等不允充當首事云

**英事電音** ○本坡實得力太晤士西報接到念八日英京發來電音云英京前任軍機大臣西文  
已奉英廷升授非南總督之任以補現任美拿制府之缺定於西本月底赴任云 同日英京來電云英京  
下議院經將覆答英皇降諭之摺稿擬定當時有某議員請將國家支費裁減一節增入摺中由眾決議事  
已無成云

**礦案得直電音** ○本坡實得力太晤士西報接到念八日英京發來電音云張燕謀侍郎因為開  
平礦務前來英京具控英商摩登等一案已由總臬司定讞判張得直英京太晤士報論謂張侍郎此次返  
國諸華人必大喜悅蓋為此案之故致令中國不肯信重英人今總臬司如此斷結便可再安中國之人心  
云 按張侍郎因為該礦之故幾受重譴嗣准赴英伸理及客臘致電上海沈仲禮觀察告以此案業在英  
京公堂連訊數次原告理直可登公斷各節疊詳前報今電果云得直則預股諸君喜固可知而英官之一  
秉大公允足令華人欽感此後邦交浹洽可於此舉卜之矣

英日交誼電音 ○本坡實得力太晤士西報接到念六日英京發來電音云英京議員在渣丹淡地方對眾宣誓日後任各廷臣定必仍然遵守英日之約云

俄國民變電音 ○本坡實得力太晤士西報接到念六日英京發來電音云俄廷現在波蘭境內頒行軍律云 按波蘭自爲俄人分劃改爲行省以來該處人心時思背叛今乘民變之際亦欲俟隙稱戈俄廷不結以恩而壓以威恐亦於事無濟耳

還禁被擄 ○本月初四日英國輪船衣士智利因犯滿載煤炭意欲運往海參威駛至對馬島海面已被日本戰船拘去矣

化身逐浪 ○西班牙所屬小呂宋人即俗名化人昨念七早有化人屍首一具隨波逐浪流至港傍經由巡捕昇交醫生證明給棺葬訖矣

招投巴虱 ○本坡工部局在直落亞逸之巴虱即舊巴虱意欲招人入票承充業由該局據情登報觀之便悉其詳矣

法國海南 ○北京外務部得駐法公使密電法廷近日會議云日本既佔旅順恐更有擴張勢力之處法國宜先取瓊州海南島以相抵制云云

北京報界 ○北京之新聞業創始者爲北京新聞社即吳先生學甫爲發起人唐君惠卿與杭君辛齋皆爲之贊助運動當時之志願甚宏擬集款十萬元印每日新聞兼譯印新書既得的款萬餘廉杭二人即赴上海購買機器字紙張因慶王阻之局遂中變改爲華北譯書局而不復出報去年冬即有日本中島真雄設順天時報於北京慶王雖惡之不能禁也而北京新聞社則長已矣吳先生且因此而病瘵以終傷哉嗣有北京公報者亦日本人之爲之而資本則出自某貴族蓋欲借此以脫拳黨之籍非有新聞之目的也故歷時未久其資本爲日本人所耗而其報亦爲之停止壬寅之夏長洲彭翼仲創一敢蒙書報專報與政界無涉去年七月間德人之北京報出版日出一冊初尚可觀繼以辦理失宜編纂印刷雜亂麻沙幾不堪入目乃德人之注意別有所在故不亟亟於整頓同時杭君辛齋設一京語日報即在敢蒙書報館印刷行銷頗豐下及興臺上至宮禁皆寓目焉實與北京報界占大勢力至十一月朔中華報出版發行者爲彭君翼仲司撰述者仍杭君辛齋以順天北京兩報均帶國際性質故冀以斯報爲人抵抗自署爲華商以恢復國權導啟民智爲宗旨內容豐美議論正大實爲京師報界之特色然聞其銷路頗不甚豐而擔任者經濟竭蹶有不可終日之勢能否持久尙未可知此北京報界之大畧也

又開干預 ○羊城日報云美國美瑞丹公會特設輪船一艘前往四鄉到處宣講福音去月十八日駛泊南海縣屬上步鄉二十日忽見有多人入村揚言追賊隨將無辜二人捉去所有家私什物牛隻亦被掠一空呼號之聲慘不忍聞該會監督寬跨倫君上前相勸詢悉係由石井追來被捉二人一係廟祝公之子一係順德人來此耕田者未幾有續備軍數十人到鄉亦不敢干涉該教會監督特將目擊情形函請美領事照會大憲札行地方官查究以慰民困云按此事如何情實雖不可知然既有擄掠形迹則所到之續備軍自當查究虛實分別捕追胡竟放棄軍人責任熟視無睹致令外人干預代吾民請命殊可歎也

嚴禁逃亡 ○美國陸軍參謀總長前致書于檀督卡打謂美國注名軍籍者多有逃亡之人其在軍事空僥時固違軍律即平日掛名軍籍者亦豈宜有此例凡治此逃亡軍惟拘之返經軍事裁判所科罰即禁錮之而已未幾釋出則此人已逍遙法外可以別有謀生術其甚者則並其遺逃之數亦不知之軍國民主義其謂之何今特求于檀督及他省之總督凡美國議會及地方議會皆設法律以嚴制此輩若有逃亡者不得享受選舉權及一切服官參預政事之權罪以終身庶師出律者知所警戒查去年美共逃亡總數五千八百七十人該參謀總長願中央議會及地方議會皆以此提出附議聞檀督卡打亦深表同情也

夜學定期 ○檳榔嶼中華學校去歲蒙 欽差考察外埠商務大臣兼辦廣農工路礦事督辦檳榔嶼學務大臣花翎頭品頂戴侍郎銜張太僕弼士奏准該校學生三年卒業客送回京考驗分別予以舉人進士一體出身 特旨賞給圖書集成全部 御書匾額一方恩來北關喜溢南洋仰見 聖天子興學育才不遺在遠至意現聞該學校已於本月廿四日開學仍照舊年辦法設立夜課羣英濟濟想無侯誘掖殷殷也

無心敗露 ○本坡豐源號之豐美輪船此次由汕南來已于昨念七日到叻該船司舟携有私烟一百零四罐共重一千零四十兩交到烟碼公司報稱此等私烟係在船中自行搜獲至于誰人私運不得而知云 按邇來破獲私烟罰鍰入獄之案不爲不多而走私者何以仍有此大宗私烟潛携到叻是豈挾有貨本竟無他業可圖耶抑因走私利溥故不畏王章耶小人行險以徼倖吾見其終多敗露而已耳圖利云乎哉

莫輕弄斧 ○閩人蕭義勝充當木匠在丹戎巴葛構造屋宇西元月二十八號十點鐘時蕭方審曲面勢工匠一堂不知因何起釁與工廠中同籍人鄧明恩陳丹等大相龔柄爭辯不已開作一團鄧明恩怒不可遏大有及鋒而試之勢不啻項莊起舞意在沛公揮斧將蕭劈傷致負重創後爲二百六十二號差馳至將鄧明恩等拘案由府展訊蕭送醫院療治昨念七日府署再提覆鞠判令詳臬核奪



啟者本公司所督辦正金花鐘票萬蘭池酒久已馳名叻地諸華商均喜用之現已議定與本坡酒公司句辦以應零沽凡華籍諸君有欲零沽者請至酒公司沽買便得如買成起以便配往外處者仍

**承頂聲明** ○啟者茲有小坡亞納實得力門牌一百三十七號協德號生理雜貨原係楊金英林江等合創今因意欲別圖願將協德號店底并家器雜物全盤一切項與卓深承受字號依舊承遠經營其銀項核算即日歸割清楚其卓深承受後生理得失與楊金英林江等無涉至協德號前與各號往來交易等項惟輕手是問與承受人卓深無干理應通知免滋後論此佈  
光緒三十一年元月廿四日  
承頂協德號卓深謹啟

**生理聲明** ○嘗謂天地之道悠久所以無端而手足之情離合本乎自定茲因卓井卓通等前合創小坡王府後門牌四百二十九號長源號及爪亞街門牌一百四十六號長源益棧千葉雜貨生理歷來無異茲特請出公親卓榮翁卓振紳翁就將兩舖店底估計價銀核算分還各號自甲辰十月十七日在公親面前估圖為定并粘長源號門牌四百二十九號通粘長源益棧門牌一百四十六號此後兩人盈虧各自應得守管全立約字付與公親分轉明白廣告同人知情庶免混雜致生後論是為幸甚謹此佈 聞  
光緒三十一年元月二十四日  
長源益卓通謹啟

**用印聲明** ○啟者本坡渣實得力即老爺宮口街門牌第一號興茂號營謀布疋雜貨出水九八生理迄今二十餘年向來取貨概用兌貨之印今思事在不妥是以自本年元初起另用取貨之印乃係花圈中央惟興茂二字而已方得為準及前所用兌貨之印從茲以後不得再用取貨先此聲明免滋後論此佈  
光緒三十一年元月二十四日  
興茂號謹啟

**遷店聲明** ○啟者敝號自新春以來五穀生理業已收罷現移住水仙門街陸肺官新起之厝門牌第六號凡本坡及外水 諸君有來相尋或投交信息者祈移玉至新遷之處是荷  
光緒三十一年元月二十二日  
吊橋頭順安號陳杞柏掛聯陳元黃謹啟

**華釐天下第一名班馬戲告白** ○啟者華釐馬戲天下知名現在經已到叻定于西二月廿七號拜一即華元月廿四夜九點鐘在小坡美芝路瓊州會館前草埔開演每夕八點開場九點劇作若逢拜三及拜六兩日每日下午四點鐘起至六點鐘止加演日戲以便童子來觀除四號板位仍收五角之外其餘各號位均收半價本班新聘名優男女脚色共有六十人均屬精于搬演各具奇能并有馴獅十四頭皆用女伶演劇又有虎三頭豹五頭熊四頭并猴狗各馴獸及大小馬五十匹鸚鵡鸚鵡哥二十隻無不指揮如意靈妙異常更有山馬兩匹戲劇之妙天下無雙 諸士商有欲預買官位號單者祈各 玉臨臨敏申卑亞忍公司購取可也此佈  
二號位銀二元 三號鋪板位銀一元 四號板位銀半元 西一千九百零五年二月廿二號 代理華釐馬戲人翳士威里士謹啟

**為母須知** ○諸聞天下子女失於調養者多矣今夫人只言我子女體弱缺血而不知用心調養徒言缺血有何益哉不但天下萬千子女患血虛色白者不少甚至體虛而夭折期嘆之晚矣夫體既虛則病易生體虛安能拒重病乎有是患必須早除不除則病漸入膏肓如蔓草之不可除豈不悲歟凡病乃居家大不祥之事然病必有藥何愁為患惟恐未得良方為患耳故為母須知黃浦先生所製單方試之於子女未幾旬即見其身體日壯氣血日增矣 ○黃浦先生單方好食如蜜療病如神其性溫和其品係魚肝油精燐糖水和麥芽精野櫻果配製而成專治面黃體瘦血竭血枯經水失調瘰癧核症骨節酸軟飲食不進咳嗽肺癆血疾各症天下更無別藥可與全日語也 ○我美國他君常用此藥以治各症應驗如神小子甚喜食之其裨益實難盡述早用是藥病必早除可免老年病魔纏身若用此藥一服即能見效幸勿懸疑 ○藥性 魚肝油精 此精無油味專治肺癆核症 ○輕養燐糖 治癆虛弱體瘦偏風缺血四肢無力 ○麥芽精 能開胃補身補骨並治咳嗽 ○野櫻 治咳嗽肺病筋骨不舒 ○大美國黃浦先生公司考製 大罇重十六兩價二元五角 小罇重六兩一元五角 各藥房亦有代售 大英一千九百零五年二月廿四號 新嘉坡土庫街門牌十四號孟嘉大藥房發售

**冒騙宜知** ○啟者本號在叻開張數十餘年發賣烟絲向求精美專揀選上等地道烟葉配製素蒙 士商稱許遠近馳名不意近有無恥之徒將下等低貨假冒本號招牌字樣以圖魚目混珠從中影射經被本號查出捉拿交官經於六月初三日在巡理府正堂承兩府專審訊定案判以下等低貨冒充上等字號之烟作為假冒招牌希圖煽騙定讞立將此烟照例毀滅以免混亂嗣後倘有人辦烟來叻仍敢冒用朱廣蘭字號或祇用廣蘭字號等樣印在烟包上及烟箱外面一經本號查明定必解官究辦將該貨銷毀其作偽之人以及代為存貯該貨之人均皆控告歸案以俟嚴懲特此佈告  
光緒三十年六月十六日 丑  
朱廣蘭啟

**刊登本報告白廣告** ○啟者茲將刊登本報告白之價目明列于下以昭公允 凡各士商若有告白欲登本報者每行在五十五字之內第一日取費八角五占第二日第三日每行五角五占第四日起以後每行兩角八占若將告白登在頭幅論說之前者每行在四十一字之內則取費加倍以上所言之行數無論已足一行抑未足一行亦照一行核計倘欲刊登全年者請各 玉臨本報面訂價目自必從廉不辜雅意也此佈  
光緒三十一年元月初七日 叻報主人謹啟



向駐京俄使雷塞爾君商酌俄使亦置之不理慶王因與日使商酌此事甚久云譯太晤士報

謠傳敗日 ○俄京風傳統帶波羅的海艦隊水師提督律智士敏士其艦與日本艦隊惡戰一場大獲勝仗云云然在俄京海軍大臣

及諸議會議言并未得接此等消息是以據眾所料謂為子虛之說云 按俄國波羅的海艦隊中多屬舊船難當大敵日本船堅炮利銳氣方

張倘使交鋒烏能抗拒今在俄京有此傳說殆因內訌四起僉請休兵故以勝仗謠傳以冀挽回民志耳

中聘美員 ○美之稍頓杜打省西報云有著名武弁營校利士現承華政府命前來聘請教習回華訓練兵法近有美人多向某報詳

詢該弁履歷某報答稱彼原隸籍英人其先世累出將材早受兵家教育現年五十餘歲形容峭厲膚革充盈重數一百五十餘磅而長度僅五

尺七寸大有武家遺風是以官途無不仰慕盛名至於美洲南北開仗之秋該弁亦曾躬身其間屢經戰事今中國界以重權可謂知人善任云

海防新器 ○英國海軍繪圖師史篤士近想得一防禦海口新器可能僅殘最巨之戰艦其器名曰沙巴列士其外象亦不美觀是浮

水炮壘徑闊約二百尺四週與底以最堅最厚彈所不能洞穿之鋼板為之中置最大戰艦所不能容之巨炮史篤士自謂只求能行不必快捷

故機器不須過巨且其式圓壓水之面甚廣故雖用最厚之鋼板配最巨之網炮亦能浮起如日本置有此物則只須一具便可堵塞旅順口無

須兵艦之助

除暴安良 ○探聞念五日巡理府正堂會同華民政務司在叻政司署定議所有在檳嶼七獲會匪慣盜暨針毛啡者及各為非作歹

不守本分等項重犯擬即分別種類驅逐回籍永遠不許再到三州府地面驅逐之後倘有潛回滋事妨害治安者一經覺察通飭嚴行緝捕羈

禁終身云云

違例何多 ○本坡國家定例凡屬國家暨工部局之園亭林木官舍橋梁諸物業均不准人黏貼字紙告白等物一節本報早經刊佈

以免無知誤犯被控公庭不意時至今仍有緣此受罰者是豈知而故犯欺抑忽畧所致歟茲再據案刊登為商旅警 某西人及某華醫因

犯在二吊橋張貼告白被控府憲各判罰銀五元某客棧罪與上同罰銀十元又某華人亦因黏貼承頂告白罰銀三元

匪無顧忌 ○匪輩橫行愈無顧忌其始向在歧路暗阻遲其伎倆今則不然公然於康莊大道行車疾馳之間膽敢拉搶行人以試其

強梁之辣手腕匪何悍耶月之十八夜鐘鳴七點時粵人溫琪乘坐東洋手車行經慈美芝路被同籍人黃照當途阻截拉溫下車搶去金約指

一枚值銀十六元匪瀕行時推溫頭顱顛傷破溫狼狽歸途奔告差館後由二十二號暗牌差捕拿黃照逮案昨日由兩府會訊判黃入獄六

閱月

又釣金魚 ○爛匪擾人強搶粵人有謂之釣金魚者蓋匪之隱語也匪之惡作劇往往結黨宵行見孤客可圖者則試其慣技趨前撲

抱使其人足不履地令全身無主動力然後探囊解帶一任其所為匪計良得邇來外洋搶匪亦時有以釣金魚效顰者十六之夕七點鐘粵人

張寬前往牛車水戲園街購買衣物被匪四名一匪由後將張樓抱去地咫尺餘匪則如取如携傾囊倒篋計被搶去銀三元并刃傷張之面部

以逞匪威得手逃逸張隨赴新捕房帶全三百三十九號一書前往牛車水大馬路拘拿全籍人司徒業胡爽二名搜胡身畔有鐵手鎚兇器一

具昨日府堂提訊干證未齊展期來月初五日再鞫

捕房瑣紀 ○瓊人陳森在芙蓉種植胡椒金蜜為業昨日到叻是夜往牛車水碩莪街門牌六號招妓時適十二點鐘有瓊人七八

名蜂擁入房向陳索還欠項四十元陳力斥其誣并云與若輩素無相識不料諸人逞其強硬手段以一人將陳按住被餘人在陳襟袋內奪取

銀四十元遁去經已報聞捕房經四號三畫拘獲二瓊人羈留候交府訊

盜案二則 ○粵人黃志在甘公麻汝盜閩人陳沛呂宋烟一箱值銀二元二角喚五十四號巡澳差拘交巡差逮案今日官判入獄一

閱月○又瓊人陳登備於某署前街西酒店廿六夜廚役潮人羅玳竊去袖褲三條值銀九元報聞捕房由六百十八號差將羅捕獲查悉羅之

所穿袖褲均係贓物現已扣留捕房候交府訊

捕拿花會 ○昨日十二點鐘副巡捕官帶差四名前往惹勿基門牌二十七零七號搜獲私開花會紙簿算盤大銀銅鑼各件拘拿潮

人陳五高慶吉尤湘等三名今日過堂展期初四日乃鞫准每名署保五百元在外候審

三續戶部奏洋藥土藥害人耗財擬嚴定分年禁法畫一辦法摺 ○顧或擬山西稅各省土釐今忽免徵公用無著此中窒礙各督

撫能勿心慮及之不知稅土釐之舊額實由官局代收不過其名變耳曩者烟戶稅徵銀恒至夏季今者官局售土提銀均在夏初是收入

之期且較舊時為早曩者局卡抽釐私販偷漏四出今者官局提成萬商均歸一途是充納之數且較舊時為多舊時各省多銷之款臣部不知

今可和盤託出臣部知其所虧之數核實劃撥以資協餉彼復何疑或又疑土藥之價輕於洋藥故人爭購食若提成過重土藥價昂叢雀淵魚

不無可慮而臣亦不謂然土藥每石提銀百兩若分計之每土一兩不過提銀六分僅與湖北膏捐等耳又剷除出產稅落地稅及沿途各要隘

層層剝削之釐捐與雜費成本較舊時土藥為輕何云加重若與洋藥相較彼則有印皮額稅重洋運費而每箱又納中稅一百一十兩其出膏

也土藥十得七八而洋藥則僅得十之五價值既賤銷行必暢此不待辨而自明開局之後即不與印皮申遞減之議亦不患洋藥之侵入此則

臣於禁烟一事留心有年考求舊法思通其間今已百難俱辦而深信所擬之法必可行烟將不禁而自禁也頃者出使義國大臣許廷琛奏陳禁烟權烟大畧擬請先就土藥整頓試辦直隸總督袁世凱奏覆征收稅事體繁重請飭戶部籌議辦理一摺先後奉旨戶部議奏欽此臣竊見臣工條奏輒謂土藥以徵為禁雖多取而非虐其實則徵而已禁未建也況局卡愈密稅越愈多歧路未易稽私土因而充斥不唯禁不能禁而且徵無從徵今若循舊而具相籌議仍屬空談如或增新卡而力圖整頓何為苛政臣以覆思之與其求徵稅之方稅仍不旺不如行禁烟之策害可永除況乎不徵而稅實徵於無形之中民之蒙其利者猶或俟諸異時國之收其利者不啻得之今日與許廷琛奏請整頓土藥袁世凱覆陳徵收膏稅之旨猶不相背用是恭摺具陳上備 聖明採擇伏乞 皇太后 皇上聖鑒訓示施行謹 奏

招租行棧告白 ○啟者茲有行棧多棟招人租賃 一坐落芳林基門牌三十一號及三十二號全間方廣四千四百八十方英尺現由峇羅公司稅居此屋有兩層樓其二層樓分間兩處租賃可以各租一處 諸君有欲租此者祈速 玉臨 二坐落嗎勝律門牌第七號第八號及第九號附近廿四之吊橋方廣一萬二千五百方英尺現為巴智申公司所租有樓一層可以分租待至西本年冥月便能交屋 三坐落安申律共有數間均一層樓今方建築待至亦不里月方可交屋 諸君有欲租賃者請各 玉臨冥里律門牌第七號零C佛里沙及甘明兩土庫面商可也此佈 光緒三十一年元月二十九日 佛里沙 甘明全啟

招投巴貳告白 ○啟者茲本局欲招人入票承充本工部局在直落亞逸之巴貳即舊巴貳係以承辦三載為期由一千九百零五年冥月一號起算凡有入票欲承充此役者其票當為封固票外寫交工部局副司理人收拆並寫明承充該巴貳等字樣於西一千九百零五年嗎只月二十號即華二月十五日禮拜一正午以前寄交本局以憑核奪 凡入各票每票須順交壓票銀一百元如投不能成即將此壓票銀交回倘能准其承充應將該項留存以備抵除保項所保之項至少以四個月餉項之額為率以便保其照約而行其保項中四份之一須交現銀其餘三份意欲如何担保須在票內聲明 承充之人若無工部局總理人員給字允准則不得將現在所定之稅及列攤之稅擅自加增其巴貳律例及他項條款承充之人可向本局副司理人處取討查閱如欲知其細情可于辦公之時詢問副司理人便悉至於棄取之權任由本局局員裁奪斷不能執定價高者得之說各宜自諒特此佈 聞 大英一千九百零五年三月三號 工部局副司理人棉惹丕呂承命謹啟

轉購宜清 ○啟者卓井卓通二人前曾合股在小坡爪亞街門牌一百四十六號創設長源益棧去年八月倒閉其折聲由二人分還後將店底及人欠賬目從公估得大銀二千六百元又將合創一百三十七號協德號店底估得大銀一百三十元又山頂大港烟牌估得大銀三百元計三款共計大銀三千零三十元由卓通承受應還掃米芝律門牌二百三十六號長美發之折聲又在王府後門牌四百二十九號合創長源號于去年八月間已經頂與楊福山所存店底及人欠賬目共銀四百元又將酒牌估得大銀四百元又計購厝大銀四百三十元計三款共銀一千二百三十元由卓井承受卓井無項是以將此承受三款共兌他人銀一千零十六元自去年即已交託公人卓振紳翁收存應還掃米芝律門牌二百三十六號長美發之折聲至于前者合創長美發所立日清部首卓井則用其子名根基署名卓通則以隆成署名然則全盤生理均交卓通掌管內櫃之項并收取諸寶號貨件誰知人心難測竟公肥私以致生理不前血本無歸卓通後所取諸寶號貨物并收日清部存銀及賬部全副私藏意圖滅跡又前在石橋合置厝四所門牌四號五號六號七號卓通署名雲溪亦未清楚卓井已迫公親數次與卓通結算全然不肯現在卓井迫于無奈已向公班衙分訴務求核算分明今特廣告諸寶號知情免致後論此佈 光緒三十一年元月二十八日 卓井謹啟

拆股聲明 ○啟者美芝律十八號門牌萬和機器鐵廠于光緒廿八年七月間由眾合股開創梅瑞茂原有股份在內今因梅瑞茂別作良圖願將名下股份一律退出經于本年元月念二日全盤算明歸割清楚應得退股本利銀項即由梅瑞茂親手領訖此後萬和生理盈虧概與梅瑞茂無涉從前梅瑞茂所執合約作為廢紙倘梅瑞茂有與外間來往交涉各事惟經手是問皆與萬和無干此佈 光緒三十一年元月念八日 萬和機器鐵廠眾股東全啟

開講正音 ○啟者新嘉坡總領事示諭 謹擇元月廿四拜一晚八點鐘起至十點鐘開講官語每逢拜一晚拜四晚宣講諸士商若欲學習者屆期玉臨至玻璃前峇峇打球閣宣講至欲學者勿用學金特此佈 聞 光緒三十一年元月廿四日 峇峇打球閣辦事人蕭寶能謹啟

穆拉油名班演劇 ○啟者本班名葉朝棟之穆拉油戲現已到叻定於元月廿九晚即本拜六夜在惹美芝律第四百四十九號門牌園中開演峇加峇利故事諸君欲知客位單價請觀本班分派之單張便悉此佈 大英一千九百零五年三月四號 光緒三十一年元月廿九日 本班主人亞武馬加議謹啟



**辭伴聲明** ○啟者石叻合洛律門牌二十八號廣安泰號前曾用黃貞任理賣貨收賬之職業經于本月二十日無任做號之事嗣後交易銀項往來須以黃星南或司事人均可簽押並蓋本號華英文字鵝卵樣圖章為據特此佈告  
光緒三十一年元月二十七日 廣安泰黃星南謹啟

**通知告白** ○竊思世情不但不能以義為利而且以利忘義此等人心真難逆料故當遠慮奉告諸仁眾者也茲有啟者本號張吉興自前置在蔡厝港繳有萬茂園係陳春江所站和豐園係林亞延所站順成園係邱亞閣余亞城所站裕元園係邱入來所站又置在峇柔港繳有同順園係張芝色潘亞夢亞朝雲所站萬隆園係邱朝所站萬合園係陳春江所站又置在登檳港繳有仁興園係林亞良所站七順園係蕭亞肖所站裕興園係張容味林鳥衫所站又置在明順港繳有元興園係張芝色所站此各園坵皆是繳種甘蜜胡椒總本號自繳種其落本原多莫奈各站園人心生異想甘蜜胡椒如收起日俱行不長偷賣與別家不肯從同本號主兌使本號勞而無功虧本太重倘以後如此各園人敢偷賣甘蜜胡椒懇諸仁眾體恤勿與他受手則感甚感甚荷荷神拜言無味敢與他受手者若被本號一經覺知必定報官按作全盜盜賣買之案決不寬情先此聲明以免後論  
光緒三十一年元月二十七日 張吉興號張敬坤謹告

**輪船招投告白** ○啟者茲本館奉命定于西一千九百零五年本月十號拜五即華二月初五日下午二點半鐘在本館內拍賣英旗輪船名曰蘇丹拿此船現泊本坡港中其船長八十四英尺半廣十五英尺半深六英尺半噸載毛重六十一噸六五注冊噸載四十噸客七十此船乃新嘉坡禮里夏兀立有限公司製造廠所造船中機器乃英國之巴士里地方 武 麥勝蘭所造 諸君有欲投買者屆期 玉臨可也此佈  
大英一千九百零五年三月一號 緞吧越拍賣 謹告

**預佈拍賣輪船告白** ○啟者茲本館奉命定于西一千九百零五年本月十五號拜三即華二月初十日下午二點半鐘在本館內拍賣英旗輪船四艘計開 仰美輪船 仰盛輪船 瑞那輪船 不里務輪船 其餘一切細情及賣實章程可閱本館不日所派單張便悉此佈  
大英一千九百零五年三月一號 狀師直汝尼卑亞 緞吧越拍賣館 謹啟

**辭伴聲明** ○啟者十八溪墘門牌四十八號萬盛號什貨出水生理曾聘陳漢存司理店務議明每年花紅二份半權作酬勞今因陳漢存志圖別業願將所得花紅份計銷而數年所得本號花紅銀亦經交還清楚倘陳漢存有與諸賢號來往揭借惟向經手是問與萬盛號無干特此聲明以免後論  
光緒三十一年元月二十六日 萬盛號謹啟

**承頂聲明** ○啟者源順街門牌第二百四十三號金勝美號并鼎記號出水生理今已將其店底家器賬目全盤具與本公司承受業已歸割清楚今將店名改作金勝美公司 諸士商若仍垂青交易者請認金勝美公司印章為憑所收金勝美各賬目改用金勝美公司之印日前金勝美之圖印等不得為據特此佈 聞  
光緒三十一年元月廿五日 金勝美公司謹啟


**新設茶居酒樓告白** ○啟者本合成堂近在長泰街第六十七號門牌創設茶樓茶居酒館生理舉凡茶點麵食以及隨意小酌滿漢酒席日夜常便定于二月初八日開市 諸士商惠然 垂青自當掃徑以俟特此預 聞  
光緒三十一年元月廿五日 合成堂謹啟

**逃伴聲明** ○啟者羅敏仲律門牌十七號振豐號原有傳到傳山以司店前賣賣之職於茲八載有餘且已蔭以紅股綠客歲十一月初三日着伊隨王殿臣戰船往高浪霧以收賬項大銀一千五百元迨至十一月十八日傳山即由高浪霧回叻據云王殿臣在高浪霧只有先還咱銀五百元而已被其向欠大銀一千元候王殿臣回叻即為清還厥亦信以為真及至本月念一日王殿臣到叻做即再向收是項據云前日所欠賬項一千五百元已自客歲十一月間在高浪霧備項如數找楚矣誰知傳山意存不良私吞賬項大銀一千元匿而不報更於客歲十二月十二日出門不知逃走何方現已報捕候緝即將紅股注消特此佈告  
光緒三十一年元月二十五日 實叻振豐號啟

**告退聲明** ○啟者十八溪墘門牌七十八號兩茂松記香潮郊生理溯自開創迄今已歷十餘年矣余蔡梓欽自壬寅年承做東陳少葵翁掛叻叻總理店中各事今因余蔡梓欽有事他往已將店內諸事全付陳學敏司理凡余蔡梓欽從前有與諸賢號交涉等事限此一禮拜內到店面會若逾期不到即係自誤則與告退人蔡梓欽無干亦與承司理人陳學敏無涉先此聲明以免後論  
光緒三十一年元月廿五日 告退人蔡梓欽謹告

**承頂聲明** ○啟者為淡律第五十號門牌新泉源沽酒生理乃林玉珍開設茲因志欲別圖願將酒牌店底家器一概頂與源裕號王國器承受定於本月三十日交易清楚此後生理盈虧均與林玉珍無涉而新泉源號林玉珍有與外間往來賬目揭憑保認等事請于未交易以前與經手理明過期自誤此佈  
光緒三十一年元月二十四日 承頂人源裕號王國器謹啟

司各脱  
滋補鰵魚肝油



以上所刊司各脫鰵魚肝油之標頭此油功用良多觀之便悉

新嘉坡代理人巴智仲西閩土庫謹啟